

Comision Premio Simplemente Deporte ta inicia proceso pa eligi e figuranan mas destaca den deporte pa 2006

ORANJESTAD- Mirando e importancia di reconoce deportistanan cu a destaca den nan ramo di deporte of den nan funcion den deporte, Gobierno di Aruba a mira e necesidad pa forma un comision cu representacion di e organonan manera Comité Olimpico Arubano y Aruba Sport Unie.

Tambe e directornan di IDE-FRE y di Lotto pa Deporte tin asiento den e comision, mientras cu tur reportero y of redactor deportivo di prensa, radio y television tambe ta wordo invita pa forma parti di e comision aki. E presidente di e CPSD ta wordo nombra pa Minister di Deporte.

E comision ta consisti di e siguiente personanan:

- Presidente:
- Jerry Gomes
- Secretario:
- Josephina Maduro
- Tesorero:
- Renny Lacle
- IDEFRE:
- Jessy Beukenboom
- Lotto Pa Deporte:
- Hubert Kock
- Comite Olimpico Arubano:

- representante di COA
Aruba Sport Unie:
- Gerald Franca
Miembronan di prensa:
- Leo Vrolijk

- Andresito Krozendijk

- Jenny Loefstok

- Claret Lopez

- Robbie Burleson

- Seever Krozendijk

- Cadochi Kock

- Dochi Lee

- Carlmichael Biker

- Caryll Kelly

REGLAMENTO

Pa bin na remarca pa un di e premionan, e federacion mester tene cuenta cu varios regla.

Siguientemente e reglanan y criteria cu ta conta pa e evento aki.

1. Federacion
E federacion cu kier pre-

senta un nominado mester ta afilia na Aruba Sport Unie of na Comité Olimpico Arubano y mester tin e status di *ta den “good standing”.

E federacion mester a tene un campeonato nacional y of competencianan durante año 2006.

E nominado mester ta un persona di conducta ehemplar na unda e aspecto di “fair play” ta refleha y consecuentemente ta profila su mes como un role-model pa nos hubentud.

* Bou di e palabra “good standing” ta wordo comprendi cu un federacion ta cumpli cu e rekisitonan pa ta miembro di ASU of miembro di COA. Un federacion cu ta suspendi of sanciona pa incumplimento cu ASU of COA lo no por participa den Premio Simplemente Deporte.

2. Nominadonan

E persona mester ta miembro di un federacion deportivo, reconoci pa ASU of COA.

E federacion mester entrega un C.V. di cada nominado.

E resultadonan deportivo di e persona mester aparece

den un forma oficial p.e. resultadonan publica door di e federacion y tambe e resultadonan mester ta conforme e reglanan oficial di e deporte. (p.e. den landamento e tempo, den baseball e average di bateo etc.).

E resultadonan mester ta procedente di competencia oficial di e federacion local of di e federacion internacional.

Ultimo fecha pa entrega di e formularionan ta 1 di november 2006. E formularionan por wordo entrega na oficina di Comision di Subsidio na Stadion tel. 583-9788 of tambe por entrega e formularionan serca sra. Jos Maduro na oficina di IDE-FRE tel. 582-4987.

Por nomina e mesun persona di e año anterior si den opinion di e federacion en cuestion e nominado ta esun cu a destaca e año aki atrobe.

3. Categorianan

Deportista destaca den su ramo di deporte.

Deportista hubenil femenino te cu 18 año.

Deportista hubenil masculino te cu 18 año.

Deportista di año. (premio maximo)

Deportista Master di año.

Entrenador deportivo di año

Club deportivo di año.

Federacion deportivo di año.

Deportistanan cu a yega di destaca den pasado.

Talento deportivo di año (deportista prometedor).

Evento deportivo di año.

Deporte di ekipo di año.

Den cada categoria, Comision mester ricibi un minimo di tres (3) nominado pa por saca un ganador, cu excepcion di categoria 6, 7 y 8 (entrenador, dirigente y arbitro di año), den cual mester tin minimo cinco (5) nominado.

For di e año aki Comision Simplemente Deporte lo duna e honor na cada federacion pa nan mes scohe nan deportista mas destaca (categoria #1) y entrega esaki cu tur e motivacion y informacion relevante pa por confirma esaki. Consecuentemente e deportistanan mas destaca di cada federacion ta nomina pa competi pa e premio deportista di año. Comision tin e derecho pa rechasa un nominacion si e federacion no ta subraya na un manera cla y convincente cu su nominado ta e persona cu a destaca den año 2006.

PREMIACION

Cada persona lo wordo premia cu un plakaat riba cual ta refleha e resultado di esfuersonan haci como deportista durante año 2006. Tambe lo reconoce deportistanan cu merece di haya un reconocimiento special (Honorable Mention) pa nan logro durante e año.

E deportista di año fuera di ricibi su plakaat, lo wordo premia tambe cu un renchi di un balor halto.